

楚州城軌錄

上虞 羅 振玉 撰

楚州專文

楚州 己酉

楚州之名始於唐新唐書地理志楚州淮陰郡宋楚州
山陽郡屬淮南東路己酉蓋宋高宗建炎三年也宋史
高宗紀建炎三年金人犯楚州以韓世忠為御營使司
提舉一行事務前軍統制世忠自鹽城收散卒赴行在
以世忠為武勝軍節度使御前左軍都統制六年除京
東淮東宣撫處置使兼節制鎮江府仍楚州置司初世
忠移屯山陽徙屯鎮江在楚州十餘年兵僅三萬而金
人不敢犯此專上刻楚州又書己酉蓋當南宋之初
王鎮楚州時造本傳世忠築高郵城疑一時所築建炎三年己酉迄今
甲辰歷七百十有六年矣丁孝康晏南宋專記

右專文正書旁行在專端己酉二字差小直行在楚
州二字之間

又

楚州

右專文旁行正書在專端

又

楚州

右專文旁行反文在專端楷法精善類褚登善薛少
保宋專中字畫之極嘉者

又

楚州張春

右專文正書楚州二字旁行張春二字直行在專端
張春殆造專匠人名

又

楚州工匠潘仙

右專文正書旁行每行二字在專端

淮安州專文

淮安州

陳宗彝曰端平元年改淮安軍爲淮安州

甘氏宋專考

右專文正書旁行反文在專端

又

淮安州

右專文正書旁行反文在專端

又

淮安州新城

陳宗彝曰太平寰宇記楚州領山陽淮陰鹽城南宋高宗折淮陰爲吳城尋廢端平元年改爲淮安州咸淳九年置清河軍領清河縣元史地理志淮安路領山陽鹽

城淮安淮陰新城清河桃源此專題淮安州新城則新城不始於元矣

宋專考

方輿紀要新城在府西三十里宋咸淳五年置屬楚州元至元二十年省入山陽又見一統志表此云始於元偶未詳考耳

劉氏費雲食舊德齋雜著

右專文正書旁行在專端

又

淮安州城專

右專文正書旁行在專端

淮安軍專文

淮安軍

宋史地理志淮安軍本泗州五河口縣一五河即今之

五河縣非淮安郡治之地也

南宋專記

右專文正書反文旁行在專端

武鋒軍專文

武鋒軍

宋史陳敏傳孝宗即位張浚宣撫江淮奏敏為神勁軍
統制改都督府武鋒軍都統制乾道元年分武鋒為四
軍升敏為都統制四年敏言宜先修楚州城池楚州為
南北襟喉彼此必爭之地乃詔與楚州守臣左祐同城
楚州祐卒遂移守楚州北使過者觀其雄堞堅新號銀
鑄城再除武鋒軍都統制兼知楚州孝宗紀乾道三年
武鋒軍都統制陳敏上清河戰守之策六年知楚州城
李大性傳通判楚州謂楚州實晉義熙間所築最堅是
楚州始築於東晉安帝義熙時至南宋乾道四年迄六
年陳敏葺治堅新武鋒軍正敏之官名也

南宋專記

范副貢
以熙淮

右專文正書旁行在專端

又

鎮江武鋒軍

右專文正書旁行在專端

又

武鋒梅方

武鋒為建炎後屯軍名係以名氏蓋當時監造者也宋考

右專文正書旁行在專端

又

鋒軍梅方

右專文正書旁行在專端

又

鋒軍梅方

右專文正書反文旁行在專端

又

鋒軍呂顯

右專文正書旁行在專端

又

武鋒沈俊

右專文正書旁行在專端

鎮江軍專文

鎮江前軍

宋史韓世忠傳以世忠爲浙江制置使守鎮江世忠以前軍駐青龍鎮中軍駐江灣後軍駐海口鎮江諸專皆斬王時專埴也

南宋記

右專文正書旁行在專端

又

鎮江前軍

右專文正書直行在專端

又

鎮江後軍

右專文正書旁行在專端

又

鎮江中軍

右專文正書旁行在專端

又

鎮江左軍

右專文正書旁行在專端

又

鎮江右軍

右專文正書旁行在專端

左軍專文

左軍

右專文正書旁行在專端

後軍專文

後軍官專

右專文正書反文直行在專端

淮東轉運司專文

淮東轉運司專

右專文正書旁行在專端

又

淮東轉運司專

右專文正書左行在專端

又

轉運司專王

右專文正書旁行在專端

淮東安撫司專文

淮東安撫司

右專文正書旁行在專端

建康都統司專文

建康都統司 提點將官柳世昌作頭徐德

宋史職官志建炎初置御營司擢王淵為都統制名官自此始其後興元江陵建康鎮江府皆除都統制兵志建康都統司靖安水軍孝宗紀乾道三年以永豐圩田賜建康都統司又職官志提點刑獄公事舊制參用武臣乾道六年詔諸路分置武臣提刑一員專刻提點將官是兼用武臣也

南宋專記

右專文正書旁行在專端柳世昌一行陰刻直行在專側

又

建康都統司 提點將官曹威作頭□□

右專文正書旁行在專端曹威款十字陰刻直行在
專側

又

建康都統司 提點將官張宏作頭吳亮目

右專文正書旁行在專端張宏款十一字陰刻直行
在專側

又

建康都統司 提點將官郭友誠作頭王德

右專文正書旁行在專端郭友誠一行陰刻直行在
專側

又

建康都統司 提點將官□□作頭周旺

右專文正書旁行在專端周旺一行陰刻直行在專側

鎮江都統司專文

鎮江都統司

右專文正書旁行在專端

楚州副都統司專文

楚州副都統司

宋史孝宗紀詔諸軍復置副都統制職官志乾道三年

江上諸軍各置副都統一員兼領軍事亦使主帥不敢

專擅因言副都統制專刻楚州宋志言都統制以屯駐

州名冠軍額之上是也

南宋專記

右專文正書旁行在專端

建康府專文

建康府

建康府專嘉慶庚申瞿生鏡濤於號舍壁間得之書法
道美頗似思陵御筆景定建康志建炎三年四月上如
江寧改為建康府則為南宋時刻無疑

潛研堂金石文跋尾

右專文正書旁行在專端

漣水軍專文

漣水軍

宋史地理志楚州繁山陽郡熙寧五年廢漣水軍以漣
水縣屬州元祐二年復為漣水軍

輔宋記

右專文正書旁行在專端

又

漣東水軍

右專文正書旁行在專端

采石水軍專文

采石水軍

宋史李光傳江浙為根本之地使進足以戰退足以守者莫如建康其隘可守者曰礪砂夾曰采石曰大信兵志太平州采石駐劄御前水軍

南宋專記

右專文正書旁行在專端

又

采水

右專文曰采水乃采石水軍之省文正書旁行在專端

修倉城專文

修倉城專

右專文正書旁行在專端

高郵軍城專文

高郵軍城專

右專文正書旁行在專端考輿地紀勝高郵軍置於

宋開寶四年熙寧五年廢軍爲縣元祐元年復置軍
額建炎四年復廢軍爲承州紹興三十一年復爲軍
考宋史韓世忠傳世忠曾築高郵城此疑是蘄王築
城時所造惟世忠傳敘築高郵城在建炎七年其時
已改承州不應仍書高郵軍然世忠建炎三年充淮
南東西路宣撫使四年以建康鎮江江東宣撫使駐
鎮江其年俾統制解元守高郵此專殆即守高郵時
造也

制勇軍專文

制勇軍

右專文八分書旁行在專端

鎮江游奕軍專文

鎮江游奕軍

宋史兵志馬軍行司新軍自神策選鋒軍左翼軍右翼

軍摧鋒軍游奕軍前軍右軍中軍左軍後軍中興置皆

南渡後之軍制也

南宋專記

右專文正書旁行在專端

壽春前軍專文

壽春前軍

宋史地理志壽春郡紹興三十二年升壽春爲府以安

豐軍隸焉即今之壽州也

南宋專記

右專文正書旁行在專端

安東州專文

安東州

右專文正書旁行在專端

淮陰水軍專文

淮陰水軍

右專文正書旁行在專端